

第二十二册

卷之第三十二

名宦

勅脩甘肅通



甘肅通志卷之三十二

名宦

慶陽府

漢杜延年字幼公杜陵人為人<sub>少</sub>和明法律宣帝時召

拜北地太守選用良吏<sub>埒</sub>豪強郡中清靜居歲餘

帝使謁者賜延年璽書黃金二十斤

谷 永字子雲長安人元延元年為北地太守時災

異尤數永當之官上使衛尉淳于長受永所欲言永

奏對天子感其言永所居任職<sub>事</sub>徵入為<sub>上</sub>農



夏 育北地太守熹平三年鮮卑 寇育率兵 追擊大破之

馮 異潁川父城人建武中領北地太守事青山賊率萬餘人降異又擊盧芳將及冀韃日逐王破之上郡安定皆降

隋李 充成紀人開皇中拜朔州總管甚有威名爲敵所憚

元 諧河南洛陽人寧州刺史有威惠時吐谷渾度河連結党項諧率兵出鄯州趣青海邀其歸路相遇

於豐利山擊走之在州數年百姓德之然性剛不能取媚於左右嘗言於上曰臣一心事主不曲取人意帝曰宜終此言

柳 儉字道約河東解人居官以仁明著稱大業初徵拜弘化太守清節逾厲二年入朝郡國畢集帝謂納言蘇威吏部尚書牛弘曰其中清名天下第一者爲誰威等以儉對帝賜儉帛二百匹令天下朝集使送至郡邸以旌異焉及大業末盜賊蜂起數破攻逼儉撫結人夷卒無離叛竟以保全



唐李勣曹州人寧州防禦使威名大振

狄仁傑字懷英太原人高宗時爲寧州刺史撫和戎落得其歡心郡人勒碑以頌後遷豫州時越王兵敗支黨餘二千人坐死仁傑密表其誑誤有詔悉謫戍邊囚出寧州父老迎勞曰使君活汝耶群哭碑下齋三日乃去垂拱中建廟城西宋范仲淹撰碑頌其德

郭翰以御史巡察隴右多所按劾次寧州時狄仁傑爲刺史爭言有異政翰謂僚屬曰入其境其政可知願薦使君美於朝毋久留卽命駕去

趙縱守慶州與党項戰死杜牧以詩哭之

楊朝晟字叔明夏州朔方人貞元間代張獻甫爲朔寧節度使朝晟請城方渠合道木波以遏吐蕃師次方渠水乏有青蛇降巖下走視其跡水從而流朝晟使築防環之遂爲停淵士飲仰足圖其事以聞有詔置祠命泉曰應聖已城吐蕃悉衆至度不能害乃引去復城馬嶺而歸開地三百里

韓遊瓌靈州靈武人始爲郭子儀裨將累進邠節



度留後奉天之狩遊瓌與慶州刺史論惟明以八三千赴奉天朱泚兵躡攻之戰不利泚兵奪門遊瓌殊死戰乃解推赴難功第一拜邠寧節度使

畢 誠邠寧節度使河西安撫使誠到軍遣吏懷諭羗人皆順向時戍兵常苦餽餉乏絕誠募士置屯田歲收穀三十萬斛以省度支經費詔書嘉美

宋董遵誨涿州范陽人乾德六年以西夏近邊授通遠軍使既至召諸酋長諭以朝廷威德剖羊醢酒宴犒甚至衆皆悅服後數月復來擾邊遵誨率兵深入其境擊走之俘獲甚衆太宗卽位兼領靈州路巡檢在通遠軍凡十四年安撫一百夏人悅服

姚內斌平州盧龍人宋初爲慶州刺史在郡十數年西夏畏服不敢犯塞以其武猛號爲姚大蟲

田仁朗元城人開寶中知慶州西人寇邊仁朗率麾下擊之前鋒稍却仁朗斬指揮使二人軍中震恐爭乞効命遂大破之其酋長相率請和璽書褒美

田紹斌汾州人真宗初調環慶靈州清遠軍部署慶州有野鷄族數爲寇掠道路患之紹斌召其酋二十



人斷臂馘剝放還寇感化帖服

范廷召冀州棗強人淳化二年環慶路都部者至道中副李繼隆討李繼遷廷召出延州與賊遇白池大小數十戰屢克捷真宗嘉之

曹瑋瑋彬之子真宗時爲環慶路都鈐轄瑋嘗上涇原環慶兩道圖至是帝以示左右曰山川城郭險固出入戰守之要在是矣因勅別繪二圖以一留樞密院一付本道俾諸將按圖計事天禧中以瑋爲環慶緣邊巡檢安撫使委乞骨咩等族聞瑋至歸附者千

餘部落

趙振字仲威雄州歸信人景德中爲慶州都巡檢使時金湯李欽等三族難制振募降羌啗以利令相攻破十餘堡欽等詣振自歸振爲置酒共射欽等百發不中振十矢皆貫欽等皆驚誓不敢犯

范仲淹吳縣人仁宗時爲環慶路經畧安撫使建戰守之策待諸蕃以誠威信大洽慶人爲立廟祀之

張凝無棣人知慶州西蕃族難制凝襲破之土羌雜居頗爲患凝誘至分水嶺降其族各四千戶



獲安

种世衡字仲平洛陽人知環州蕃部有牛家奴訛者素倔强未嘗出謁郡守聞世衡主遠郊迎世衡與約明日當至其帳往勞部落是夕雪深三尺奴訛方卧帳中謂世衡必不能至世衡蹙而起之奴訛驚且喜率其族羅拜聽命諸部有貳者使討之無不克其後百餘帳皆自歸率羗兵以援涇原無敢後者嘗課吏民射有過失射中則釋其罪人人自厲皆精於射由是數年敵不敢近環境遷環慶路兵馬鈐轄范仲淹

檄令築細腰城晝夜興築有功及卒環人畫像祠之杜杞字偉長無錫人仁宗時知慶州蕃酋孟香率部落內附夏人以兵來索香詔還之杞言彼違約舉兵香不可與因移檄問罪夏人讐服

孔道輔字原魯孔子四十五代孫爲寧州軍事推官數與州將爭事有蛇出天慶觀真武殿中一郡以爲神州將率官屬往奠拜欲上其事道輔徑前以笏擊蛇碎其首觀者大驚後莫不嘆服遷大理寺丞

安俊仁宗時環州都監破元昊吃哇并那等



安撫使韓琦上其功遷環慶路都監

滕宗諒河南人知慶州上言朝廷旣授范仲淹韓琦四路經畧安撫招討使而諸路亦帶招討稱號非宜詔罷之

景泰普州人通判慶州上言元昊雖稱臣包藏禍心當選將練卒修城儲糧以備不虞三疏不報俄元昊反又上邊臣要畧二十卷會有薦泰知兵者召對稱旨使知寧州

任福開封人咸平中知慶州兼環慶路副總管上言慶州去蕃族不遠願勒兵境上按亭堡謹斥堠因經度所過山川道路以爲緩急攻守之備仁宗善之聽便宜從事夏人寇保安鎮戎軍福部分諸將攻白豹城四面合擊破其城平骨咩等四十一族以功拜龍神衛都指揮使

孫長卿字次公揚州人知慶州州險峻乏水長卿鑿百井皆及泉泥陽有羅川馬嶺上構危棧過者惴恐長卿訪得唐故道闢爲通途人皆便之

史方字正臣開封人知環州兼環慶路兵馬都監



先是磨媚等六族內寇方論以恩信乃傳箭率千乞和減禁兵五千徙內地以省邊費

劉 几字伯壽洛陽人知寧州處官清約政務便民州俗喜巫軍校有挾妖法結其徒爲亂者几使他兵伏壘門以伺夜半盡擒之

孫 沔字元規會稽人仁宗時知慶州元昊死諸將欲乘隙大舉沔以乘危伐喪非體止之戰亡遺骸聚而塋祭之軍中感泣几三知是州邊人服其能

韓 絳字子華雍邱人以翰林侍讀學士知慶州夏人犯環慶絳請行郡縣治兵大破之又熟羌據堡爲亂卽日討平之加端明殿學士

李允則字垂範謙浦子爲寧州防禦使允則不事威嚴間或步出遇民有可語者延坐與語以是洞知人情訟至無大小面訊立斷善撫恤士卒皆習其用盜發輒獲人莫知所由身無兼衣食無重饑不畜資財後人作六君子堂允則其一也

蔡 挺字子政宋城人治平初知慶州上書論攻守大計夏人寇大順城挺盡歛邊戶入堡戒諸砦無出



戰密布鐵蒺藜城旁水中賊渡水馬多躓夜斫及營  
夏人潰去又築荔原堡分屬羗三千人守之

傳 求字命之考城人知慶州環之定邊砦蕃官蘇  
恩以小過疑懼而遁將佐議攻討涇原既出師境上  
求謂恩非素携貳者乘以兵必起邊患但遣裨將扣  
其帳開以禍福恩感還砦如初

張守約字希參濮州人神宗時知環州慕家族黠狠  
難制搖動種落勒兵討擒之餘遁入夏國守約駐師  
境上檄取不置居數日械以來斬於市進爲環慶都

鈐轄知邠州夏人十萬屯南牟畏其名引去守約典  
七州皆有惠愛可紀

俞 充字公達鄆縣人熙寧中知慶州慶陽兵驕小  
繩治輒肆悖充嚴約束斬妄言者五人於軍門聞有  
病苦則巡撫勞餉死不能舉者周之以故苜不異而  
懷焉

蕭 注字巖夫臨江新淦人熙寧初知寧州有膽氣  
環慶李信之敗列城皆堅壁注獨啟關夜宴如平時  
賈 崑字民瞻開封人神宗時爲慶州荔原堡都監



紹聖中夏兵數萬圍麟州神堂砦崑以數百騎往援一矢殪其酋衆駭潰

錢 卽字中道臨安人知慶州築安邊城歸德堡開地萬頃縱耕其中歲得粟數十萬斛

張舜民字芸叟邠州人爲襄樂令王安石倡新法舜民上書言人君不可與小民爭利時人壯之元豐中環慶帥高遵裕辟掌機宜文字

范純仁字堯夫仲淹子神宗時知慶州帝曰卿父在慶著威名今可謂世職純仁揣帝有功名心對曰臣未嘗學兵陛下使臣治城壘養百姓不敢辭旣至歲方饑擅發常平粟賑貸全活者甚衆或謗其不實遣使按視會秋大稔民謹曰公實活我忍累公耶晝夜爭輸還之

范純粹字德孺仲淹子元祐中代兄純仁知慶州請修諸路策應救援之法朝廷是之及夏侵涇原純粹遣將曲珍救之曰本道首建應援牽制之策臣子之義忘軀殉國無謂鄰路被寇非我職也珍卽日疾馳三百里破之於曲律擣橫山夏衆遁去



章 案浦城人哲宗時知慶州夏人入寇案先州間知之遣驍將折可適伏兵鼓噪而出斬獲甚眾又預置毒於牛圈瀦水賊馬飲者多死遂破其眾

高遵裕字公綽瓊之孫環慶路經畧安撫使兼知慶州神宗命統涇原兵討夏岡師渡旱海賊驍驟至遵裕出精兵與戰斬首千餘級

耿 戡元祐間為真寧令建學教人既去人思之為豎碑頌德

趙 高字公才邛州依政人知慶州夏人欲襲取新壘大治攻械高具上撓夏計及夏侵蘭州高遣將間道出敵砦後邀其歸路斬馘甚眾遷龍圖閣直學士

曲 珍字君玉隴干人元祐初為環慶副總管夏人寇涇原號四十萬珍擣虛馳三百里破之曲律山俘斬千八百人

呂由誠字子明誨之季子知合水縣王中立种諤征靈州由誠部運隨軍天寒食盡他邑役夫多潰去惟由誠善撫字所部分無失者

鄭 僅字彥能徐州彭城人知慶州諸軍多殺亡弱



持首級要賞僅下令非強壯而能生致者賞半之有  
內附羗追寇得老人不忍殺擒之乃其父也相持哭  
一軍感動諸路爭進討奏捷僅獨保境不生事寇亦  
不犯

种師中字端孺世衡之孫歷知環秦州又知慶陽府  
老成持重爲時名將榆次劉韜言師中聞命卽行奮  
不顧身雖古忠臣不過

强 寬自金歸宋知環州兼環慶路統制軍馬沿邊  
安撫使隆興間金兵圍環寬與其弟環慶路統領沿  
邊忠義軍馬震堅守孤城招降不屈城陷死之詔立

旌忠廟

金麗 廸延安人天眷中爲慶陽尹歷三考不易以治  
最聞詔書褒美西人榮之

楊仲武保安軍人皇統初知寧州關中薦饑境內盜  
賊縱橫仲武悉平之

馬 諷字良弼大興渤海人天德初爲寧州刺史民  
有告謀不軌者株連數十百人諷察其無狀乃寃問  
告者告者具伏其誣衆歡呼感泣



元何不罕至大三年慶陽路兵馬都總管訓練士平增  
濬城墾政通人和百廢俱興

李 真奉元路人至順中任合水主簿博學儒雅惠  
愛及民

陳 政奉元路人至正中慶陽府同知蒞政公勤興  
舉廢墜

明陳 林洪武初知慶陽府創造之始百務聿興事有  
成規才猷可觀

何敦善淳安人洪武間以人才調慶陽府同知持身  
廉謹政績有聲秩滿以績最賜衣一襲陞撫州府知

府

李仕銘徐州人永樂間知寧州修創壇祠驛舍諸工  
興作不一多傭無業貧民償其功而餼廩焉人不告  
勞事亦稱辦

劉 綱河南鈞州人宣德間知寧州廉勤公恕百廢  
俱興久任三十年規模整肅州人觀感莫忍違令累  
加爵增參議俸比考績入覲賜宴禮部以旌寵之列  
祀六君子堂



馬傑利津人成化間知慶陽府尚禮讓惜人初至折民訟洞察隱微且爲開市興利招集遠商一郡始稱富庶云

郝鎡字廷重河間人知慶陽府郡民多穴處不知桑麻鎡至革奸胥清徵輸之弊招工陶瓦譬治屋廬教樹藝暇則飾公署學校民有殺人報父仇者鎡據法當原憲司不從後臺議卒是之治爲諸郡第一

段紳蘭陽人弘治間知寧州立市集開官街凡便民者無不力行之且訊刑明允有循良風

楊寬涿州人弘治間任管糧通判廉介自持禁約倉廩不得妄取且以糧芻積羨扣補失業之數由是民力寬省軍儲不乏

馬湘徐州人弘治間任管糧通判時屬邑負稅十數萬湘曰民寧有食土而不輸賦者乎此必有過額侵漁之擾乃長事者之過也爲定限革弊良者有所遵循奸猾不得規避賦稅漸完築環縣城郭鑿鹽池井得甘泉民利賴之及歸行囊莫辦士民深服其廉龍相慶陽衛指揮僉事驍勇善騎射正德中畝人



甘肅通志 卷三十二  
入寇督軍戰於箭竿嶺身中二十餘矢力竭而死  
晁瀛山西平陸人正德中知合水縣居心慈惠恩  
及黎庶性尤剛毅縣有豪強者輒爲懲誠威行境內  
肅然向化

田大有字豫甫東平人嘉靖中知慶陽府學治戎  
賢聲大著北寇攻圍郡城出奇制勝威震西邊

馬彥卿內江人萬曆中知寧州在任十五年增修內  
城及郭城雉堞凡鳳凰堡焦村太昌新庄襄樂城皆  
屬創築初設北關通商利民立遺愛祠

阮自華安慶人萬曆末知慶陽府博雅名儒尤以天  
象預知慶地有兵創修武備城賴以全

宋雲霄山東淄川人天啓七年慶陽府同知秉性清  
簡居官明恕時樞夫馬夫舖兵等役俱係僉報里甲  
民產多蕩雲霄署縣篆一切革去乃設處丁食招募  
應役民受其賜

周日強蠡縣人舉人崇禎間知寧州值合水爲賊所  
陷州城危在旦夕聞督師楊鶴赴省已次永壽日強  
軍書日三上督師返節駐寧民喜更生鶴嘉其經畫



有方特疏題擢分守河西道

唐萬齡贛榆人知寧州簡民間壯者編爲遊兵城頭設八陣陣立哨官用是習於技擊後賊圍城卒能固圍遊兵之力也

馬一荀雲南建水人明末慶陽府推官忠厚存心用刑惟寬及流寇圍城晝夜戒嚴多方設法守禦賴以保全

郭之麟威遠人崇禎間知真寧縣好賢禮士省刑薄稅時流寇猖獗麟練鄉勇躬擐甲胄卒保孤城父老謂百年來循良之最尋倅江州卒死賊難

袁繼登江南人崇禎間知安化縣明隆萬以還戶口凋耗地荒糧重民不堪命繼登履畝踏勘備陳賠累申請院司題請蠲除荒糧官民便之癸未城陷被執不屈而死

靳聖居長治人崇禎末慶陽府推官闖賊至卽不言不食以死自矢及城陷不屈死

周嘉彥明末慶陽城守都司少年驍勇號周小將闖賊攻城分守城西北一帶極爲戒嚴殺賊甚衆賊登



東城嘉彥率親丁五六人巷戰手殺數百人所向披靡或勸出城彥仰天大呼曰我恨不能殺盡此賊報國恩也何走爲復撲殺數十人乃自刎

身清沈加顯河南河內人順治二年任慶陽道時值闖寇之後空城瓦礫間無居人郭外尙爲賊據加顯設法招徠遺民日漸來集更請兵駐防激勵將士除賊首三十三人脅從皆散凡被虜男婦皆綏戢安業五年陞涼州參政潔已愛民和平寬厚請免丁徭兩地皆感恩不忘

杜霽遠永年人順治九年知安化縣招撫逃亡回籍八百餘戶墾屯地七百餘頃捐貲修城樓開垣墉俱堅固可垂永久設立鄉城社學八所淘浚城內外湮塞舊井收殮明末死難骸骨塋於高原



甘州府

漢路博德西河平州人武帝時以右北平太守從驃騎將軍有功封邳離侯驃騎卒後博德以衛尉爲伏波將軍出塞築遮虜障益封其後坐法失侯爲强弩都尉屯居延卒

郭忠昭帝時爲張掖太守屬國都尉元鳳三年單于使犁汗王窺邊天子詔邊警備後無幾右賢王犁汗王以騎四千分三隊自日勒屋蘭番和入寇忠發兵擊之射殺犁汗王大破之得脫者數百人自是匈



奴不敢犯張掖忠以功封成安侯

辛慶忌狄道人元帝初舉茂才爲張掖太守徙酒泉所在著名

蕭咸字仲爲蘭陵人望之之子初爲好畤令遷張掖太守有政績數增秩賜金後復爲中郎將官至大司農

傅育北地人章和初叛羗出塞依迷吾育請發隴西張掖酒泉各五千人諸郡太守將之育自領漢陽金城五千人尅期擊之令隴西兵據河南張掖酒泉兵遮其西未及會育獨進兵迷吾聞之徙廬落去育選精騎三千窮追之夜至建威三兜谷遇伏兵育下馬手戰殺十餘人而死諸郡兵到羗遂去肅宗下詔褒美封其子毅爲明進侯

史苞始爲張掖都尉及竇融行河西五郡將軍事以苞爲張掖太守及融決策東向遂與融砥厲兵馬光武西征隗囂融率苞等會高平後封苞爲褒義侯馬賢元初間領征西校尉事永寧元年羗寇張掖賢將萬人擊破之斬獲萬數餘寇悉降羗復寇張掖



殺長吏賢率兵擊其種皆亡出塞璽書封賢安亭侯  
馬 續永寧間爲張掖太守代韓皓爲校尉兩河間  
羗以屯田近之恐必見圖乃解仇詛盟各自儆備續  
欲先示恩信乃上移屯田還湟中羗意乃安永和元  
年遷度遼將軍

第五訪字仲謀長陵人爲張掖太守歲饑粟石數千  
錢訪乃開倉賑給以救其敝吏懼譴爭欲上言訪曰  
若上須報是棄民也太守樂以一身救百姓遂出穀  
賑人順帝璽書嘉之由是一郡得全歲餘官民並豐  
界無姦盜拜護羗校尉邊境服其威信

隋楊恭仁仁壽中甘州刺史臨事不苟細邊人安之文  
帝謂其父雄曰匪特朕得人乃卿善教子矣  
陰世師武威人煬帝初拜張掖太守深爲戎狄所憚  
及唐師至世師以世荷隋恩遂勒兵拒守日餘不下  
被殺

裴 矩字弘大聞喜人高祖時爲吏部侍郎煬帝大  
業三年西域諸蕃多至張掖交市帝使矩掌其事諸  
商胡至者矩誘令言其國山川風俗人物儀形服飾



撰西域圖記三卷合四十四國奏之仍別造地里圖窮其要害從西傾以去至西海將二萬里爲三道北道從伊吾中道從高昌南道從鄯善總奏敦煌帝欲收西域以矩爲黃門侍郎令往張掖引致諸蕃自是西域往來相繼大業五年帝西巡至焉支山伊吾獻西域數千里之地置西海河源等郡大開屯田以通西域之路以矩有綏懷之畧進位銀青光祿大夫

唐李

漢長安時甘州刺史時郭元振都督涼州命漢

通開屯田盡水陸之利稻收豐衍舊涼州粟斛售數千至是歲數登至匹縑易數十斛積軍糧餘十年牛

羊被野

宋曹元忠歸義節度使太宗時以州歸於宋

明宋晟洪武中討哈密有功永樂中又遣都指揮史

昭出兵擒火者廝通西域貢道封西寧侯鎮守甘肅

莊得洪武二十四年以都指揮開設山丹衛治督

農講武是年麥秀一莖兩穗者四次年一莖兩穗者

十人以爲德政所致

蔣貴正統初西兵犯邊貴充總兵至甘肅擊敗賊



衆以功封定西伯鎮守甘肅邊境寧謐

彭 智山丹衛都指揮僉事守禦善撫士卒學校公  
字多所增置

涼州府

漢任 延字長孫南陽宛人拜武威太守光武親見戒

之曰善事上官無失名譽延對曰履正奉公臣子之  
節善事上官臣不敢奉詔帝歎息曰卿言是也旣之  
武威時將兵長史田紺郡之大姓其子弟賓客爲人  
暴害延收緝繫之父子賓客伏法者五六人自是威  
行境內吏民累息郡北當邊塞南接種羗民畏寇抄  
多廢田業延選集武畧之士千人明其賞罰屯據要  
害有警追討敵遂不敢出河西舊少雨澤乃置督水



官吏修理溝渠人蒙其利又立校官自掾吏子孫皆令詣學受業郡遂有儒雅之士

梁 統字仲寧安定烏氏人初爲酒泉太守更始敗竇融起兵保境更以統爲武威太守爲政嚴猛威行鄰郡詔加宣德將軍光武自征隗囂統與竇融等將兵會軍駕及囂敗封統爲成義侯更封高山侯拜大中大夫

孔 奮字君魚茂陵人建武五年爲姑臧長時天下擾亂唯河西獨安而姑臧稱爲富邑每居縣者不盈數月輒致豐積奮在郡四年財產無所增力行清潔或以爲身處脂膏不能自潤徒益苦辛耳被徵日單車就路姑臧吏民及羌人相謂曰孔君清廉仁賢舉縣蒙恩如何今去不共報德遂相賦歛牛馬器物追送數百里奮一無所受旣至京師除武都郡丞旋拜太守爲政明斷甄善疾非郡中稱爲清平

牛 邯光武建武九年司徒掾班彪上言今涼州部皆有降羌與漢人雜處數爲小吏黠人所見侵奪窮恚無聊故致反叛舊置護羌校尉持節領護理其怨



結歲時巡行問所疾苦今宜復舊以明威防帝從之  
以邽爲護羗校尉

趙 冲順帝時爲武威太守永和六年擊鞏唐羗降  
二十餘人詔冲督河西四郡兵爲節度漢安元年以  
冲爲護羗校尉冲招懷叛羗多詣冲降唯燒河種三  
千餘落據參綠北界三年冲擊諸羗斬首四千餘級  
詔冲一子爲郎冲復追擊于河陽斬首八百級于是  
諸羗前後三萬餘戶詣涼州降建康元年復追叛羗  
于建威鷓陰河遇羗伏兵與戰歿冲雖身死而前後  
多所斬獲羗由是衰耗

蘓正和靈帝光和間爲涼州從事時武威太守倚恃  
權執恣行貪橫正和案致其罪刺史梁鵠畏懼貴戚  
欲殺正和以自解訪之漢陽長史蓋勳勳素與正和  
有隙或勸勳因此報之勳曰謀事殺良非忠也乘人  
之危非仁也乃諫止之

張 奐字然明燉煌酒泉人延熹中拜武威太守平  
均徭賦率厲散敗常爲諸郡最河西由是而全其俗  
多妖忌凡二月五月產子及與父母同月生者悉殺



之與示以義方嚴加賞罰風俗遂改百姓爲立祠  
三國魏張 旣字德容高陵人文帝初涼州盧水寇反  
河西大擾帝曰非旣莫能安涼州乃以旣爲刺史旣  
至金城遂渡河賊拒軍于鷓陰口旣揚聲軍從鷓陰  
潛由且次出至武威寇以爲神引還顯美旣據武威  
遂前軍顯美寇騎數千因大風欲放火烧營旣夜藏  
精卒三千爲伏使餘騎挑戰陽退誘敵因發伏兵首  
尾進擊大破之封西鄉侯酒泉蘓衡反攻邊縣旣擊  
降之遂上疏請治左城築障塞置烽候邸閣以備邊  
後西平麴光殺其郡守旣曰光等造反郡人未必悉  
同乃檄告諭諸羌黨斬送光首其餘安堵旣臨二州  
十餘年惠政著聞卒諡肅侯

徐 邈字景山燕國薊人明帝時爲涼州刺史護羌  
校尉河右少雨常苦乏穀邈上修武威酒泉鹽池以  
收虜穀又廣開水田募貧民佃之家家豐足倉廩盈  
溢乃支度州界軍用之餘以市金帛犬馬通共中國  
之費立學明訓禁厚葬斷淫祀進善黜惡風化大行  
西域流通荒戎入貢賞賜散與將士與西羌從事不



問小過若犯大罪先告部帥乃斬以徇由是州界清肅

晉馬 隆字孝興東平平陸人武帝咸寧五年涼州刺史楊欣爲樹機能所沒河西斷絕帝每有西顧之憂臨朝歎曰誰能爲我討此通涼州隆進曰臣能平之請募勇士三千人率之鼓行而西賊不足滅也許之乃以爲武威太守隆募能引弩三十六鈞弓四鈞者立標簡試得三千五百人帝又給其三年軍資隆西渡溫水樹機能等以衆萬計乘險設伏隆依八陣圖作偏箱車地廣則爲鹿角列營地狹則爲木屋施于車上且戰且行弓矢所及應絃而倒奇謀間發出敵不意賊以爲神轉戰千里音問斷絕或謂已歿後隆使夜到帝撫掌歡笑詰旦召羣臣謂曰若從諸卿言無涼州矣詔假節宣威將軍隆到武威鮮卑歸附涼州遂平

張 軌字士彥安定烏氏人永寧初軌以時方多難陰有保據河西之志求爲涼州刺史時鮮卑入寇軌討破之威著西州時天下旣亂所在使命莫有至者



軌遣使貢獻歲時不替進拜鎮西將軍都督隴右諸軍事封霸城侯

張寔字安遜軌之子建興初除西中郎將領護羌校尉軌卒長史張璽等表寔攝父位詔爲都督涼州刺史西平公涼州軍士得璽文曰皇帝行璽獻於寔僚屬皆賀寔曰是非人臣所得留因送于京師

隋樊子蓋字華宗廬江人煬帝時爲武威太守莅官明察下莫敢欺以善政聞五年車駕西巡將入吐谷渾子蓋獻青木香以禦瘴氣及帝還謂曰人道公清定

如此否子蓋謝曰臣安敢清止是小心不敢納賄耳加右光祿大夫子蓋曰願奉丹陛帝曰公侍朕側一人而已委以西方則萬人之敵宜識此心六年除戶部尚書是歲處羅可汗及高昌王款塞復以子蓋檢校武威太守應接二蕃後以疾卒於東京武威吏民聞其死莫不嗟痛立碑頌德

宋丁惟清太宗時以殿直往涼州市馬惟清至而境大豐稔因爲西人請留命知西涼府事咸平六年李繼遷陷涼州府惟清死之



明濮英涼州衛指揮使洪武初修葺城樓倉庫措置有方士卒不勞而事集郡稱智能以擒叛賊功陞右軍都督僉事掌行都司事

劉林涼州衛百戶洪武時土官逃叛攻掠涼州林擊賊至城西土臺力戰而沒事聞上喜其忠勇遣祭於臺下

江亨洪武十年以涼州衛千戶防守古浪繕城隍創驛傳始立莊浪衛屯住之所

張傑洪武中任永昌指揮僉事開設衛治修築城池建學宮興文教措置有方

馬昭遵化人鎮番守備累功陞都閫成化間展城開學修衛治建鐘鼓樓一切規制創造居多勇而善戰入陣有飛搥能掣寇於百步外人呼爲馬搥陣亡勅封鎮國將軍

王孟顏神木人崇禎九年任大靖營參將招壯丁汰老弱購備戰馬三百餘匹修築邊牆百餘丈開墾酸茨溝荒地本城及夾山堡廂井造窖以便民汲皆有益於地方十年套虜入寇提兵堵截斬級奪馬自是



不敢犯境

寧夏府

唐裴 識聞喜人度之子爲靈武節度使靈武斥鹵識

禱神而鑿之果得泉

路思恭京兆人朔方節度使靈武初復戎落未安思  
恭披荆棘立軍府威令大行

崔知溫字禮仁許州鄆陵人仕爲左千牛遷靈州司  
馬境有渾斛薩萬帳數擾齊民知溫表請徙河北疏  
十五上始得請自是人得就耕渾斛薩至徙地顧善  
水草亦忘還後入朝過州謝曰初徙且怨公今地膏



十  
月  
三  
日  
卷  
三  
二  
三  
腴衆孳夥更荷公恩皆再拜

五代張希崇薊州人後唐明宗時靈武節度使靈武接  
邊境戍兵餉道常苦抄掠希崇乃開屯田教士耕種  
軍以足食而省轉饋明宗下詔褒美希崇撫養士卒  
招輯部落自回鶻瓜沙皆遣使入貢尋鎮邠寧晉高  
祖入立復拜靈武節度爲將不喜聲色好讀書知星  
曆天福三年月掩畢口大星希崇嘆曰此邊將亡兆  
我其當之明年正月卒贈太師


馮暉魏州人靈武節度使靈武自唐明宗以來市

馬糴粟招來部族給賜軍士歲用度支錢六千萬自  
關以西轉輸供給民不堪役青岡土橋氏羗剽掠商  
旅暉至推以恩信止息爭奪廣屯田以省轉餉出俸  
錢治倉庫亭館民不加賦管內大治

段思恭澤州晉城人天福中馮繼業自靈州舉家來  
朝帝以思恭代知州事思恭下車矯繼業之失綏撫  
部落訪求民病悉條奏免之

宋董遵誨涿州范陽人太宗卽位以通遠軍使兼領靈  
州路巡檢夏人有剽掠靈武進奉使者遵誨部署帳





P 31



下欲討之夏人懼盡歸所掠伏罪遵誨慰撫令去自是各謹封界秋毫不敢犯

安守忠字信臣晉陽人太平興國初知靈州在官凡七年雍熙二年知夏州每西羌犯邊戰無不捷

侯贊太原人太平興國中知靈州按視蕃落宴犒以時得邊士心部內大治遷左衛在朔方凡十餘年帝念其久次求可代者而難其人

田紹斌汾州人至道元年充靈州馬步軍都部署入番討賊斬獲無算以馬給諸軍之缺者捷聞手詔嘉以祀

張文謙字仲謙邗州沙河人至元初以中書左丞行省西省中興等路羌俗素無統紀文謙得蜀士陷俘中者數人理而出之使習吏事旬月間簿書有品式子弟亦知讀書俗爲一變沒唐來漢延二渠及夏靈應理鳴沙四州正渠十支渠大小共六十八溉田十數萬頃人蒙其利

董文用字彥材橐城人至元初爲中興等路行省郎中自渾都海之亂民間相恐動竄匿山谷文用鎮之



以靜民乃安始開唐來漢延秦家等渠墾水田若干於是民之歸者戶四五萬悉授田種頒農具更造舟置黃河中受諸部落及潰叛之來降者

袁 裕洛陽人至元八年以御史授西夏中興等路安撫副使時徙鄂民萬餘於西夏裕與安撫使獨吉請於朝計丁給地立三屯使耕以自養官民便之

明盧 茂成化間以都指揮守備靈州驍勇兼人到任之二日敵以百騎來犯茂單騎馳突之俄敵漸衆而茂兵亦至奮呼一擊斬其犯陣一將餘遁去數歲不

敢近靈州邊

吳 福鄯縣人寧夏參政寧夏鹽池禁嚴民食鹽甚艱福奏許民納鹽課官爲量給民甚便焉秩滿陞福建布政使

袁 旦大名府人隆慶五年任西路通判蒞政清勤建議築邊垣濬渠壩

王三錫翼城人萬曆三十五年任寧夏理刑同知案無留牘尤加意水利請於巡撫崔景榮石甃張政堡暗洞



甘肅通志 卷三十一  
蕭如薰延安人任平羅參將劉東暘之反起於倉卒  
熊國臣等棄城匿河西望風而靡獨如薰堅守力拒  
僞將哮雲引着力兔來攻如薰伏兵射雲死九月八  
日如薰與李如松等以銳卒擊南關雲梯攀緣而上  
城遂下以功加都督同知歷官總兵貞亮不渝更多  
修創之功

杜希伏由延綏入籍寧夏世承武功歷興武遊擊平  
羅參將寧夏中協副將恢復四城擒斬六王屢獲奇  
捷廉勇著聞興武平羅至今皆建有生祠陞湖廣安

### 陸府總兵

韓洪珍四川人天啟七年任西路同知威寧舊有七  
星渠歲久荒淤洪珍與屯田守備王光先條列疏築  
之法上諸巡撫焦馨以百戶李國柱劉宰分督之而  
專任洪珍綜其事

靳桂香靈州參將明季無爲教稱居士作亂夜入城  
殺河東道曹孟吉時桂香已謝事乃率衆守城門使  
賊不得出盡攻殺之

劉謹身河南人明末任西路同知督修渠工剔除奸



弊招選義勇保障城池

皇清黎士弘字愧會長汀人時吳逆煽亂西秦震動擢洮岷道副使署甘山道事王輔臣叛諸鎮會勦及復蘭州攝臬篆分別失守官吏罪號爲平允會寧夏營弁謀逆殺提帥改授寧夏道任提督張勇贊畫軍機申嚴守禦綏靖反側又密請免衛所逋糧七萬五千石寇平叙功陞右參政

丹達禮滿州人康熙二十七年任寧夏道時大兵駐防在城民心惶惑達禮多方慰諭更詳督撫割城中一隅安置大兵勿與民間雜處嚴立教條以免滋累其後大兵駐寧者六悉如舊制兵民相安皆達禮之力也當兵馬雲集時需草甚多達禮親督人夫採於湖灘不事科歛調度有方亦省公費軍馬亦給又督濬渠工修理廟學皆著善政去二十年後士民猶思之



西寧府

漢任 尙安帝元初間任中郎將屢破西羌先零狼莫  
零昌又降西河虔人種羗萬餘口平隴右

晉馬 隆字孝興東平平陸人太康初朝廷以西平荒  
毀除隆爲太守時南虜成災爲邊患隆至虜據險拒  
守隆令軍士皆負農器若將田者虜備稍怠因進兵  
擊破之畢隆之政不敢爲寇積十餘年威信振於隴  
右

隋梁 毗字景和安定烏氏人文帝仁壽元年爲西寧



州刺史先是蠻夷舊俗酋長皆服金冠以金多者爲豪雋遞相陵奪畧無寧歲毗患之後因諸酋長相率以金遺毗毗置金坐側而謂之曰此物饑不可食寒不可衣汝等以此相滅不可勝數今將此來欲殺我耶一無所納于是蠻夷感悟遂不相攻在州十一年帝聞而喜之徵爲大理寺卿

唐黑齒常之百濟西部人高宗儀鳳時以功擢河源軍副使調露中吐蕃使贊婆等入寇屯良非川李敬元之敗常之引精騎三千夜襲其軍贊婆等單騎遁卽拜經畧大使常之因建言河源當賊衝宜增兵鎮守而運饗須廣乃斥地置烽七十所開田五千頃歲收粟斛百餘萬由是食術士精戍邏有備凡蒞軍十年吐蕃憚畏不敢窺邊

杜希望萬年人開元間拜鄯州都督破烏莽城鎮西威震吐蕃時軍屢興府庫虛寡希望居數歲芻粟金帛豐裕

皇清楊宗仁字天爵奉天正白旗人由湖廣藍山知縣卓異擢知階州州近生羌出沒晝劫行旅宗仁抵任連



堡塞謹斥堠嚴緝捕羗夷歛跡商賈安行遷同知臨  
洮府事監收蘭州鎮遠橋商稅時值歲歉請發倉廩  
以賑饑民減稅額恤商賈招流亡實戶口循良之譽  
著於遠近上官有疑獄輒委治發奸摘伏民頌神明  
雍梁多盜老瓜陰賊尤爲只害因讞他獄發案百餘  
皆爲窮治又慮有司失察被譴取百餘事彙爲十案  
悉置諸法盜風頓息而有司亦全遷知臨洮府率屬  
安民政績尤著尋擢西寧道寧古湟中地西隴要衝  
振頽剔弊賢聲著聞陞浙江按察使歷仕至湖廣總  
督晉太子少傅卒 贈少保諡清端



直隸秦州

漢馬 成南陽人世祖封平舒侯從世祖征破隗囂以  
成爲天水太守明年代來歙守中郎將率劉尚等下  
河池遂平武都

陳 立臨邛人爲天水太守勸民農桑爲天下最賜  
金四十斤入爲左曹衛將軍護軍都尉

晉陳 安隴上人懷帝永嘉五年爲中軍都尉守上邽  
有菴力左揮八尺大刀右揮丈八蛇矛後與將軍平  
先戰大雨泥深三尺奪其刀矛被執於澗曲殺之安



善撫將士與同甘苦及死隴上思之爲作壯士歌以悼之

胡烈字武元臨涇人泰始中爲秦州刺史初鄧艾納鮮卑降者數萬雜居雍梁間傅元上疏言艾不慮後患使散居山谷此必爲害胡烈素有恩信於西方今往必且消弭然獸心難保不可必久安若東入安定西赴武威此二郡非烈所制宜并屬秦州令烈得專御邊之宜及涼州叛烈屯於萬斛堆爲虜所圍無援遇害

杜預字元凱京兆杜陵人時虜寇隴右除預秦州刺史領東羌校尉輕車將軍假節屬虜兵強盛安西將軍石鑿使預出兵擊之預以虜乘勝馬肥而官軍懸乏宜并力大運須春進討陳五不可四不須鑿怒劾奏徵詣廷尉論贖其後隴右之事卒如預策

有北朝王子直字孝正杜陵人正光中爲秦州總管司馬以德政化人西土悅附

劉藻字彥光廣平易陽人魏太和中爲秦州刺史秦人率恃險拒課輸或害長吏前守宰皆依州遙領



不入郡縣藻開示恩信誅鋤豪橫羌氏憚之守宰於是始得居舊治車駕南伐以藻爲東道都督秦人紛擾詔藻還州人情乃定

裴 邃字深明河東人爲秦州刺史大開屯田數千頃倉廩盈實省息邊運人交獲安乃相率遺邃絹千餘匹邃從容曰汝等不應爾吾又不可逆止納其二匹

張 彝字慶賓清河人宣武中除安西將軍秦州刺史羌人憚其威一方肅靜號爲良牧

邢 巒字洪賓河間人有文才幹畧拜持節梁秦二州刺史拓地定境東西七百里南北千里獲郡十四及諸縣戍

北齊韓 軌字伯年太安人齊神武時爲秦州刺史甚得民神武巡秦州欲軌還京師賜秦州城戶人絹布二疋州人皆辭不受惟乞留軌神武嘉歎許留

王元邈字彥遠太原祁人昇明中爲秦州刺史齊建元初李烏奴作亂襲州城元邈率兵破之高帝聞之曰元邈果不負吾



周獨孤信雲中人大統中除隴右大都督秦州刺史先是守宰闇弱政令乖方人有冤訟歷年不能斷決及信在州事無壅滯示以禮教勸以耕桑數年中公私富實流人願附者數萬家周文以其信著遐邇賜名為信岷州刺史梁企定反及涼州刺史宇文仲和據州不受代信皆破平之以功增封

宇文導顯仲子獨孤信東下令導代信為秦州刺史導性寬明善撫御文帝每出征導恒居守深為吏人所附朝廷重之薨於上邽朝議以導撫和西土威恩顯著欲令世鎮隴右以彰厥德乃葬上邽城西中外會葬者萬餘人

唐蕭瑀後梁明帝子徙長安為河池郡守有鈔賊萬人吏不能制瑀募勇敢士擊降之又擊走薛舉眾數萬高祖授光祿大夫封宋國公

姜暮上邽人武德初擢秦州刺史帝曰昔人稱衣錦還故鄉今以本州相授所以賞功涼州荒梗宜有以靖之暮至撫邊俗以恩信盜賊衰息人喜曰不意復見太平官府



郝廷玉李光弼將累爲秦州刺史善訓練羗人不敢犯

五代崔繼勳字成績長社人後晉天福中爲秦州觀察使推恩信設方畧以招誘諸部羗人相率奉牛酒請盟邊境以安

宋劉熙古字義淳寧陵人乾德中知秦州州境與羗接熙古至諭以朝廷恩信取蕃部酋豪子弟爲質邊鄙以寧

宋 璫字寶臣華州人太宗時知秦州有善政就拜監察御史充陝西轉運使以韋亶代之璫去州未百日亶坐事繫獄上念璫治績命再知州事安集諸羗部內清肅

馮 伉雍熙中州推官州民李益饒于財恣橫不法賂權貴爲庇護長吏而下皆畏之獨伉不從益遣僕數輩毀辱伉伉屢表其事爲邸吏所匿後因市馬驛者附表以聞帝怒詔知州吳元載逮捕具得其狀誅之

溫仲舒字秉陽河南人淳化四年知秦州州雜羗戎



有兩馬家朶藏臬波等部唐末以來居於渭河南大洛門小洛門砦多產良木爲其所據歲調卒采伐給京師必以貲假道於羗戶猶不免攘奪甚至殺掠爲平民患仲舒至部兵歷按諸砦諭其酋以威信諸部獻地內屬旣而悉徙其部落於渭北立堡砦以限之民感其惠爲畫像祠之

曹瑋彬之子知秦州有德澤於民秦人立碑紀功曹琮字寶章彬之子知秦州度羗材爲倉廩大積穀於渭冀城以忍信懷生羗多請內屬寶元中元昊反復知秦州上攻守禦三策

馬知節字子元薊人咸平初知秦州州嘗質羗酋支屬二十餘人踰二紀矣知節曰羗亦人耳豈不懷歸悉遣之羗懷其德訖任更不犯塞時州有銀坑歲久鑛竭課額弗除主吏破產償之不足知節請蠲之章三上得允

文彥博汾州介休人知秦州有威名夏人不敢犯王隨字子正河南人乾興中知秦州秦卒有負罪逃入蕃部者戎人輒奴畜之小不如意復執出求賞



前此坐法多死隨下教能自歸者免死聽復隸軍籍  
由是來歸者衆又建請增蕃落卒給廢陷馬地募民  
耕種

梁 適字仲賢東平人知秦州古渭初建砦間爲屬  
羗所抄益兵拒守羗復驚疑適召諭其種人且罷所  
益兵羗人不爲患

呂公綽字仲祐壽州人知秦州安遠砦古渭州諸羗  
來獻地公綽顧其屬曰天下之大豈利區落尺寸地  
耶時弓箭手馬多闕公綽諭諸寨戶凡十丁爲社秋

成募出金帛市馬馬少則先後給之

唐 肅字叔元錢塘人秦州司理參軍有商人寓逆  
旅而同宿者殺人亡去商人夜聞人聲往視之血濺  
其衣捕吏執赴州獄已具肅爲伸其寃後數月果得  
殺人者

韓 琦安陽人知秦州兼秦鳳路經畧招討使增廣  
州城招集屬戶厲兵討賊訖琦去賊不敢犯

王拱辰字君貺咸平人帥秦州威恩並用羗人信服  
尹 洙字師魯河南人韓琦知秦州辟洙通判州事



薦其才可用加直集賢院上奏命令數更恩寵過濫  
賜與不節三事仁宗嘉納

余 靖字安道曲江人知秦州教條分明以治最聞  
薛 奎絳州人知秦州州宿重兵經費常不足奎務  
爲儉約教民水耕歲中得芻粟數十萬徙知益州秦  
民與夷落數千人列奎治狀請留璽書褒諭不許

李 參字清臣鄆州須城人以樞密直學士知秦州  
藥家族作亂討平之得良田五百頃以募弓箭手居  
鎮關歲未嘗以邊事聞英宗遣使問故對曰將在邊  
期於無事而已不敢妄以寇貽主憂參剛果嚴毅事  
至卽決雖簿書纖悉不遺稱才能吏

孫 永字曼叔長社人知秦州王韶以布衣入幕府  
建取熙河策永折之曰邊陲方安靜無故騷動恐變  
生不測會新築劉家堡失利衆請戮偏裨以塞責永  
曰居敵必爭之地軍孤援絕兵法所謂不得已而守  
者也尤人以自免於我安乎

李 及字幼幾鄭州人知秦州議者以及謹厚非守  
邊才及至州州將吏亦頗易之會有禁卒白晝攫婦



人金釵於市吏執以來及方坐觀書召前詰問其人服罪及亟命斬之觀書如故將士驚服

王令圖太原人至和中以殿中丞爲河池令時值開河會議河去縣四十餘里部屬陝西移文令圖通幹其事自秋七月至八月路已通功告訖下詔旌之

李 周字純之馮翊人嘉祐五年知河池公正嚴毅沉晦自匿未嘗私謁執政

李師中字誠之楚邱人知秦州以持重總大體自處前此多屯重兵於境寇至則戰而內無以遏其入師中簡善守者列塞上而使善戰者居中令寇至堅壁

固守須其去出戰士尾襲之約束既熟常以取勝

張 誥字樞言建州浦城人知秦州號令嚴肅前此將吏貪功多從羗地射獵因起邊患誥至申令毋得犯得一犯者斬諸境上羗感悅

呂大忠字進伯藍田人元祐初知秦州時郡糴民粟豪家因之制操縱之柄大忠選寮案自旦入倉雖升斗亦受不使有所壅闕民喜爭運粟於倉負錢而去得百餘萬斛馬涓以進士舉首入幕府自稱狀元大



忠謂曰狀元云者及第未除官之稱也既爲判官則不可今科舉之習既無用修身爲己之學不可不勉又教以臨政治民之要涓自以爲得師焉

謝良佐上蔡人秦州教授州守呂大忠每過之聽講論語必正襟歛容曰聖人言行在焉不敢不肅

何常字德固京兆人知秦州諜告夏人多築堡柵朝議欲出兵牽制常言羌人生長射獵今困于版築違其所長而用其所短可拱手以待其敝也從之

羅極知秦州築東西二城

姚祐字伯受長興人知秦州或請調熙河弓箭士徙邊以省更戍祐謂人情懷土重遷丐以二年爲更發之期滿歲樂業而願留者乃聽且請擇熙秦富民分丁授地蠲役借糧以勸耕植益廣秦之東西川建城壁嚴保障以控熙河涇原皆從之

葉康直字景溫建州人元祐中知秦州時築甘谷城成夏人侵之康直戒諸將設伏以待殲其二酋自是不敢犯境

張浚廣漢人紹興初以州陝宣撫使置幕府于秦



州至卽出行關陝訪問風俗罷斥姦賊以搜攬豪傑  
爲先務

劉 韜字仲偃崇安人知隴城以廉稱後使金死節  
子子羽參議張浚軍事駐秦州有方畧

狄 諱元祐間知隴城寨綽有聲績

趙 鼎聞喜人徽宗時爲兩當尉自筮仕時立志遠  
大後爲中興賢相

陳 佃簡州人紹興二十二年自朝奉大夫知河池  
不爲煩苛有古循良風常盛暑遣囚歸各感恩如期

而至

董彥威紹興中河池尉愷悌愛民一日盜至邑人大  
震彥威不恐懼徐遣兵盡捕之

元田守璋大德二年徽州管軍元帥副使以驍勇見稱  
洞悉民艱軍民依賴

張仲文大德中徽州管軍參議元帥善騎射務廣恩  
信勸民農桑建倉備荒軍民懷德

明邵 毅河南中牟人洪武中知清水剛果無私吏畏  
民服擢御史祀名宦



劉 德直隸人知清水重修城池創建縣治學校廟  
宇公署舖舍正經界編里甲

廖 森兩當主簿元末縣內衙舍廢弛洪武七年森  
于舊基創建縣治公署始備又同訓導蔣慶于縣治  
東創建儒學諸生肄業始得其所士民稱頌

傅 鼎字天和直隸新河人成化間秦州知州嚴以  
涖政平以近民除淫祀戒遊食重農申教祛災弭盜  
凡學校館舍壇壝橋梁以次修葺常上疏言救荒弭  
亂二十事言皆剴切當旨如議行於秦秦人便之

宋 珍字廷瑤涿州人成化間知秦安性最孝母嘗  
怒杖珍珍跪而受邑人感嘆一日有風過堂下不去  
珍謂曰若有事白我盍我前風前就席至夜方寐如  
有前聲寃者于是遍境內體之果得殺人者寘於理  
人以爲廉明所致學校堂齋多所修建任五載曾不  
受囑人或有所贈遺畧不省視却之後卒于官

荆 琨猗氏人嘉靖間清水縣訓導凡五載教士視  
躬如出一日雖雨雪晏晦未嘗不整襟危坐捐所得  
俸補葺廟學治俎豆爵鬯始倡明道之學羣諸士于



官舍講習之清士始彬彬可觀天旱琨出米數十石  
賙貧士之不給者

王忠顯山西澤州人萬曆十七年知清水甘淡薄注  
意民瘼興利除害嘗以息訟論民兩造庭質唯決是  
非而已百姓戴如父母陞南京戶部主事

朱廷彰晉藩宗室明末鞏昌判官署秦州事廉介剛  
直頗有聲政李賊至被執擁見賊帥叱之跪廷彰正  
色曰我天朝宗室可拜賊乎頭可斷膝不可屈賊猶  
欲生之大呼曰今日此來只須一死正襟危坐神色

自若遂見殺

朱呈瓘宗室明末知秦安邑處邊衝城守無具賊陷  
城繫至伏羗脅令賺城呈瓘呼告伏羗令曰諸君宜  
堅守勿降吾忍辱至此蓋欲知死所耳言訖罵賊連  
呼連殺我賊遂殺之伏羗卒嚴守不得下

向永鳳禮店所副千戶嘉靖甲午階州鐵甲山賊肆  
劫永鳳與戰追至麒麟山賊曰我貽若金帛盍兩生  
之永鳳叱曰何物賊敢以金帛餌我殲賊我分也因  
奮擊之射二賊死將復射弓忽弛軍曰可少却永鳳



日戰而却畏死耶復與力戰死之事聞擢其子元吉  
爲正千戶元吉忠勇有父風

直隸階州

漢孔奮字君魚茂陵人建武中以守姑臧清廉仁賢  
召除武都郡丞時隴西餘賊隗茂等夜攻府舍殘殺  
郡守畏奮追擊執奮妻子欲以爲質奮惟一子終  
不顧遂窮力討之吏民感義用命又率厲氏豪齊錘  
留等共相遮擊賊窘懼逼急乃推奮妻子置軍前冀  
奮退却奮擊之愈厲遂擒臧茂等奮妻子亦爲其所  
殺世祖下詔褒美拜武都太守爲政明斷甄善疾非  
見有美德愛之如親其無行者忿之如讐郡中稱爲



清平

虞 詡字升卿陳國武平人永初間羗寇武都鄧太后以詡有將帥畧自懷令遷武都太守羗衆遮詡於峭谷詡宣言請兵須到當發羗聞之乃分抄旁縣詡因日夜兼行令吏士各作雨竈日增之羗不敢逼或問之詡曰孫臏昔示弱吾今示彊勢固不同旣到郡兵不滿三千羗衆萬餘攻圍赤亭詡乃令軍中使彊弩勿發而潛發小弩羗以爲矢弱并兵急攻詡於是使強弩迸射發無不中羗退詡因奮擊之明日陳兵令出東郭入北郭易衣數周羗恐動乃潛伏兵於淺水候其走因揜擊大破之詡乃築營壁招流亡假貸貧乏郡遂以安先是運道艱險詡案行川谷由沮至下辯數十里燒石翦木開漕船道於是水運通利歲省四千餘萬詡始到郡戶裁盈萬二年遂增至四萬餘戶

趙 冲順帝永和六年以冲爲武都太守時唐羗內侵冲破之領西河四郡兵

李 翕字伯都漢陽阿陽人靈帝時仕武都太守屢



致嘉瑞建寧四年開天井道西狹石路民爲磨崖刊  
頌於魚竅峽

三國魏楊 阜字義山天水冀人建安中遷武都太守  
阜威信素著徙郡小槐里百姓襁負隨之爲政舉大  
綱而已下不忍欺也在郡十餘年徵拜城門校尉

南北朝魏高 允渤海人爲中書侍郎從征楊難當禁  
暴止殺秦人更生

隋楊文恩字溫仁華陰人周天和初行武都太守歷平  
十姓党項羗及山東寇并破之

五代郭 瓊平州盧龍人後唐清泰初刺史階州城壘  
未葺蜀人屢寇瓊徙城保險民乃無患受詔攻文州  
拔二十餘砦生擒數百人晉天福中爲朔方部署將  
兵平羗渾

王弘贄太原人後唐時階州刺史到任增戶二千餘  
復請置將利福津二邑詔褒之

宋牛逢源淳化初知同谷簡靖自持治民敦尚禮教  
李公瓚祥符中知階州州東北峪河水爲患公瓚命  
工鑿卧龍岡回河勢使東南流導水入江



宇文之邵字公南綿竹人爲文州曲水令歲饑轉運使以布絹高其價使鬻於民之邵言地狹民貧耕者亡幾况歲方儉羗數入寇不可重困之以求利因忤運使遂乞致仕神宗卽位求言上疏不報遂致仕司馬光曰志不行顧祿仕如錙銖道不同視富貴如草芥於之邵見之

家 愿字處厚眉山人崇寧初以元祐黨人謫監華州西嶽廟禁錮十年大觀間禁解通判文州郡守鄭行純憑內侍勢自恣罷互市啟邊釁愿爭之不從徑下令復其舊守恕交章互奏俱報罷

蒲 卣字君錫閬州人通判文州有獻議者欲開文州徑路達陝西卣言洮岷積石至文爲甚邇自文出江油鄧艾取蜀故道也異時鬼章欲從此窺蜀爲其阻隘而止夏人覘此久矣可爲之通道乎議遂塞 蘓 宋字公佐滏陽人爲利路轉運使文州歲市羗馬羗轉買蜀貨猾駟上下物價肆爲姦漁宋議置折博務平貨值以易馬宿弊頓絕

劉 銳知文州嘉熙元年元兵來攻銳與通判趙汝



晁乘城固守率軍民晝夜搏戰殺傷甚多拒守兩月餘援兵不至城中無水取汲於江敵知虛實遂增兵攻城甚急一夕移江流數里外銳度不免乃盡飲家人以藥幼子同哥才六歲飲藥時猶下拜受之銳聚屍及告命焚之銳及二子登文王臺自刎死軍民死者數萬

趙汝晁宣城人通判文州北兵圍城與劉銳相誓死守更迭出戰及被圍旬有六日汲道絕兵民水不入口者半月至吮女子之血卒無叛志城垂陷汝晁猶提雙刀入陣中十六矢被執汝晁善射敵先斷其兩臂而後鬻殺之

明陸弘洪武初爲階縣令時兵燹後創建之績居多凡公署壇宇橋梁舖舍煥然改觀

簡原輔四川人洪武十年任階州建磚城招撫流亡審徭編戶無不均平大有造於階

張竒河南商水人自望江縣遷知階州棄介正直政事聿修階有巨豪數人悉繩之以法及歸囊橐蕭然惟圖書數卷而已



崔尙義直隸長垣人嘉靖十六年知階州雅尙儉素取予不苟尤嫻刑名凡有勘斷援筆立就未嘗假手于人陞臨洮同知復攝州事

鮑德字子慎鴈門人嘉靖二十七年知階州邊警方殷歲復大旱調兵食起餓孳全活者衆龍江暴漲捐俸修橋民免墊溺

田輔西安衛人嘉靖二十九年守備文縣創立堡寨謹烽火嚴邊禁申軍法募勇敢時訓練在任三年番人不敢犯邊

蔡思和湖廣攸縣人萬曆間知階州通水利開山壕凡強弁豪猾必置以法孤寒貧弱則撫翼之惟恐不盡力陞叙州府同知州人立祠豎碑

謝鏞字禹銘順天良鄉人崇禎九年知成縣值兵燹之餘官無宅舍民多流亡殘垣危堞整頓無資鏞設法防禦率民入上城繕城池建廨宇撫殘復業督耕勸墾暇則訓士習射有警卽佩劍巡緝更募壯丁以蓄戰儲火器以設防戊寅己卯間萬賊壓境率民固守賊不敢犯又倉卒定計以解徽危而徽亦無虞



兩署徽州皆綏戢得所

皇清毛洪麟山西夏縣人吳逆之變以軍功授秦州知州  
改授階州康熙十五年階州復陷退守階西之岡旗  
寨征繕扞圉不憚勞苦十八年冬大兵入境糧草甚  
亟居民遠竄多方措處供應不匱招流移通商賈旋  
以夫驢之役約費萬金力請豁免又請蠲免荒糧三  
千八百餘石民屯亡丁一千有餘胥幸更生有頌德  
碑

直隸肅州

漢辛武賢狄道人宣帝神爵中爲酒泉太守時先零羗  
楊玉等反趙充國至金城欲俟虜疲極乃擊之武賢  
奏言郡兵皆屯備南山北邊虛空勢不可久可益馬  
食以七月上旬分兵並出張掖酒泉合擊罕开在鮮  
水上者天子下其書公卿議以爲是上乃拜武賢爲  
破羗將軍賜璽書嘉納其策子慶忌亦徙酒泉太守  
戴宏字元襄濟北剛縣人吳祐遷膠東侯相時宏  
父爲縣丞宏從在舍祐每行園嘗聞諷誦之音竒而



厚之遂與爲父卒成儒宗知名東夏官至酒泉太守  
翟 酺字子超廣漢雒縣人延光三年出爲酒泉太  
守叛羗千餘騎徙敦煌來抄郡界酺赴擊斬首九百  
及羗衆幾盡威名大震後遷京兆尹

三國蒯 則字文師扶風人少以學行聞舉孝廉茂才  
起家爲酒泉太守轉安定武都所在有威名

唐公孫武達京兆櫟陽人貞觀初爲肅州刺史突厥入  
寇謀南趨吐谷渾武達以精兵二千人與戰敵相却  
復殊死鬪薄之賊掖河潛命上流渡兵俟半渡乃兩

岸夾擊斬溺畧盡璽書勞之遷左監門將軍

明曹 贊任肅州衛千戶本衛城旱地千餘頃贊於洪  
武二十七年創開溝渠遠引河水灌溉居人咸獲其  
利至今賴之

鍾 振任肅州指揮使正統二年北兵犯邊赴敵而  
死



西域

漢張

騫漢中人武帝建元中以郎應募使月支十餘

歲騫持漢節不失因得窮河源還拜大中大夫由是

西國遂通封騫博望侯元狩四年騫使西域是時匈

奴渾邪王降漢元鼎六年分酒泉武威之地置張掖

敦煌爲河西四郡隸涼州部

崔不意濟南人元封六年爲魚澤尉教力用以勤效

得救因卽魚澤障立縣名爲效穀

鄭吉會稽人以卒伍從軍數出西域由是爲郎宣



帝時吉以侍郎田渠黎積穀因發諸國兵攻破車師  
遷徧司馬護鄯善以西南道神爵中羌人乖亂日逐  
王欲降漢吉發渠黎龜茲諸國五萬人迎之詣京師  
討日逐爲歸德侯吉旣破車師降日逐威振西域遂  
并護車師以西北道故號都護都護之置自吉始於  
是中西域立幕府治烏壘城都察烏孫康居等三十  
六國漢之號令始得頒西域

馮奉世字子明上黨潞人元康初烏孫有擊匈奴功  
而西域諸國新聞帝欲安之以奉世爲衛侯使持節  
送大宛諸國客王伊修城會莎車叛漢從鄯善以西  
皆絕不通奉世遂以節諭告諸國王因發其兵南北  
道合萬五千人擊莎車攻拔其城莎車王自殺傳其  
首詣長安諸國悉平威振西域奉世至大宛大宛聞  
其斬莎車王敬之異於他使得其名馬象龍而還上  
書悅以爲光祿大夫

陳湯字子公山陽瑕丘人元帝建昭元年湯爲西  
域副校尉爲人沉勇有大慮多策謀喜竒功時郅支  
自以大國又挾勝驕不爲康居王禮困辱漢使者湯



乃矯制發兵與都護甘延壽襲擊斬之傳首至京師  
懸棠街十日竟寧元年封湯爵關內侯

竇固字孟孫平陵人永平十五年以固嘗從其父  
融在河西明習邊事乃以固爲奉車都尉同駙馬都  
尉耿秉將兵屯涼州十六年分道出擊羌夷固與耿  
忠率張掖酒泉敦煌甲卒及盧水羌人出酒泉塞至  
天山擊呼衍王斬首千餘級追至蒲類海取伊吾廬  
地置宜禾都尉留吏士屯田十七年復與耿秉及騎  
都尉劉張擊車師降之復置西域都護戊巳校尉

班超字仲升平陵人永平十六年竇固擊匈奴超  
爲假司馬超與從事郭恂俱使西域鄯善王廣奉超  
禮甚備後忽懈超疑必有北使詰侍者具服遂與吏  
士三十六人夜犇虜營順風縱火寇衆驚亂超格殺  
三人吏兵斬其使及從事二十餘級餘百人悉燒死  
明日以寇使首示廣廣遂納子爲質復遣使子闐其  
王廣德禮意甚踈且信巫言求漢使駟馬以祠巫神  
令共相私來求馬超令巫自來乃斬巫而鞭其相廣  
德懼斬其寇使以降西域與漢絕六十五載至是復



通十七年復與竇固執疏勒王兜題更立其故王子忠章帝建初元年留屯疏勒五年以平陵徐幹爲假司馬將弛刑義從就超平西域八年復拜爲西域將兵長史章和元年超發諸國兵擊莎車降之龜茲等兵冬退散自是威震西域和帝永元二年遣兵至月支伏兵殺之月支由是遣使奉獻三年以爲西域都護騎都尉六年討焉耆斬其王廣於是西域五十餘國俱納質內屬十四年以老乞歸

耿恭字伯宗永平十七年恭以司馬爲戍已校尉

屯後王部金蒲恭至部示漢威德昆彌遣子入侍

明年北單于擊殺車師後王安得遂攻恭恭以毒藥

傅矢語匈奴曰漢家箭神其中瘡者必有異寇中矢

者視瘡皆沸遂大驚會暴風雨隨雨擊之殺傷甚衆

匈奴震怖相謂漢兵神乃解去恭引兵據疏勒城匈

奴復來攻壅絕澗水恭於城中穿井向井拜禱有頃

水泉奔出乃令揚水示虜遂引去十一月車師叛復

與匈奴共圍之恭率勵士衆禦之數月食盡煮鎧弩

食其筋革與士卒推誠同死生故皆無二心初關寵



上書求救乃詔酒泉太守段彭等將兵救之章帝建初元年擊車師匈奴走車師復降軍吏范羌固請迎恭歸拜騎都尉

三司魏倉 慈字孝仁淮南人魏太和中敦煌太守抑挫權右撫恤貧羸民翕然稱其德惠數年卒於官吏民悲感圖畫其形

南北朝令狐整字延保敦煌人魏大統十二年涼州作亂瓜州民張保殺刺史晉昌民吳興殺太守以應涼州整時爲瓜州三簿保欲殺之以其人望恐失衆心

雖外相敬內實忌之整陽爲親附因使人說保使整將兵備東兵保從之整及玉門召豪傑述保狀馳還襲斬吳興進擊瓜州保奔吐谷渾衆議推整爲刺史曰吾屬以張保肆逆亂恐闔州之人俱陷不義故相與討誅之乃復見推是效尤也乃推魏使者張道兼行州事具以狀聞而帥宗族鄉里三千餘人入朝累遷侍中

申 徽字世儀魏郡人先是元康爲沙州刺史劉彥殺康而奪其位魏不能討因以爲刺史屢徵不至大



統十一年宇文泰以徽爲河西大使密令圖彥徽以  
五騎行旣至止於賓館彥入謁徽執之因宣詔慰  
諭吏民且云大軍續至城中無敢動者

唐奚君集三水人貞觀四年爲磧石道總管討吐谷渾  
約齊深入追及其衆於庫山大戰破之進會李靖大  
非川平其國十三年爲交河大總管將兵擊高昌拔  
其城降之分兵畧定二十二城太宗以其地爲西州  
置安西都護府

郭孝恪許州人太宗時爲安西都護貞觀十六年西  
兵來寇伊州孝恪擊敗之後復擊焉耆執其主而還  
蘇定方高宗顯慶二年定方爲前軍總管擊西突厥  
至曳咥河西敗沙鉢羅兵冒雪兼行至其牙帳縱兵  
擊之斬獲又數萬沙鉢羅脫走趨石國定方於是息  
兵諸部各歸所居通道路置郵驛掩骸骨問辛苦畫  
罪場復生業凡爲沙鉢羅所掠者悉括還之百姓安  
堵如故乃命蕭嗣業將兵追沙鉢羅獲之乎其地置  
崑崙濛池二都護府

楊 冑高宗顯慶三年遣左領軍郎將雷文成送龜



茲王布矢畢歸國龜茲大將羯獵顛發衆拒不納詔  
左心衛大將軍楊胄發兵討擒誅之乃徙安西都護  
府於其國焉

王孝傑新豐人初與劉審理擊吐蕃皆沒於吐蕃後  
竟得歸由是知吐蕃虛實曾西州都督唐休璟請復  
取龜茲等四鎮中宗嗣聖九年乃敕孝傑及阿史那  
忠節將兵擊破之復取四鎮置安西都護於龜茲兵  
戍之後爲總管與契丹決戰而死

張孝嵩初爲監宗御史奉使廓州拔汗那者古烏孫  
也內附歲久吐蕃攻之其王奔安西求救孝嵩率旁  
側戍落出龜茲西數千里下數百城傳檄諸門威振  
西域大食等八國請降勒石紀功而還

杜 暹濮陽人開元四年以監察御史按事至突騎  
施突騎施饋金暹固辭左右曰君寄身異域不宜逆  
其情乃受之埋於幕下已出境乃移狀令取之突厥  
大驚度磧追不及及開元十二年安西都護闕或言  
暹在使安西虜伏其清今猶慕思遂拜黃門侍郎安  
西副大都護守邊四年撫戎練士能自勤勵爲夷夏



所樂

張守珪陝州河北人開元十五年爲瓜州刺史時瓜州爲吐蕃所毀守珪帥餘衆築故城板幹立吐蕃奄至衆失色守珪於城上置酒作樂虜疑有備不敢攻而退守珪縱兵擊之虜敗走於是乃修復城市招合流散使皆復故業朝廷嘉其功詔以瓜州爲都督府卽以守珪爲都督

高仙芝本高麗人從事安西驍勇善騎射累官四鎮節度副使天寶六載小勃律王及其旁二十餘國皆附吐蕃貢獻不入詔以仙芝爲行營節度使討之仙芝遣將軍席元慶將千騎前行縛其大臣密論之曰若酋領逃者第出詔書呼之賜以繒綵至皆縛以待我元慶如言仙芝繼至悉斬之又遣元慶斷娑夷橋仙芝虜小勃律王及其吐蕃公主自赤佛道而還上以爲安西四鎮節度使

袁光庭天寶末爲伊州刺史伊州本漢伊吾廬地在敦煌大磧外唐置伊州吐蕃攻之累年不下糧竭兵盡自焚死時不達音問者十五年德宗建中二年郭



昕至朝廷始知之秋七月贈工部尚書

郭昕子信之弟爲四鎮留後舊安西節度撫寧西域統龜茲于闐焉耆疏勒四國故謂之四鎮唐自吐蕃陷河隴伊西昕帥將士閉境拒守數遣使奉表皆不達德宗建中二年昕遣使間道自回紇中來上嘉之賜昕武威郡王

張義潮沙州首領攝州事結甲兵耕且戰畧定其旁瓜伊西甘肅蘭鄯河岷廓等州宣宗大中五年遣其兄義澤奉十一州圖籍以獻於是河湟之地復入於唐詔置歸義軍於沙州以義潮爲歸義節度使鎮之至懿宗咸通四年克復涼州八年入朝

甘肅通志卷之三十一 終



